

III. OUTRAS DISPOSICIÓNS

CONSELLERÍA DE FACENDA

Resolución do 18 de decembro de 2009 pola que se ordena a publicación do acordo do Consello da Xunta de Galicia do 17 de decembro de 2009 polo que se aproba a modificación da relación de postos de traballo da Academia Galega de Seguridade Pública.

A aprobación da modificación da relación de postos de traballo da Academia Galega de Seguridade Pública xustifícase polas necesidades organizativas e funcionais da consellería.

En consecuencia, por proposta da Consellería de Presidencia, Administracións Públicas e Xustiza, consultadas as organizacións sindicais presentes na Mesa Xeral de Negociación da Comunidade Autónoma e a Comisión de Persoal, o Consello da Xunta de Galicia, na súa reunión do día 17 de decembro de 2009, adoptou o seguinte

ACORDO:

Primeiro.-Apróbase a modificación da relación de postos de traballo da Academia Galega de Seguridade Pública, para os postos que se sinalan no anexo.

Segundo.-Ordénase a publicación da mesma no *Diario Oficial de Galicia* para os efectos da súa entrada en vigor a partir do día seguinte ao da súa publicación.

Visto o acordo adoptado polo Consello da Xunta de Galicia, na súa reunión do dezasete de decembro de dous mil nove, relativo á aprobación da modificación da relación de postos de traballo da Academia Galega de Seguridade Pública, coa finalidade de cumprir o dito acordo, dispoño que se publique no *Diario Oficial de Galicia* como anexo a esta resolución.

Santiago de Compostela, 18 de decembro de 2009.

Marta Fernández Currás
Conselleira de Facenda

ANEXO

Consellería de Presidencia, Administracións Públicas e Xustiza

Na vixente relación de postos de traballo o organismo autónomo Academia Galega de Seguridade Pública, publicada no DOG número 8, do 13 de xaneiro de 2009, prodúcense as seguintes modificacións:

-Na páxina 683, o posto PR.B01.00.000.36170.001.-SECRETARIO/A DO/A DIRECTOR/A XERAL, cambia na súa columna Adscr. adm. públicas, pasando a ser A12.

-Na páxina 684:

*No posto PR.B01.00.000.36170.009.-POSTO BASE GRUPO D, suprímese na súa columna Observacións XORNADA DE TARDE.

*No posto PR.B01.00.000.36170.040.-SERVIZO DE ESTUDOS E PUBLICACIÓNS, cambia na súa columna Corpo/escala pasando a ser XERAL/ESPECIAL, na columna Adscr. adm. públicas pasando a ser A14 e na columna formación específica pasa a ter soamente o código 640.

Código-descrición das formacións específicas.

640: para persoal doutra administración, curso de perfeccionamento de galego (R.I.).

Código-descrición doutras administracións.

A12: adscrición indistinta a funcionarios da Xunta de Galicia, Estado e CC.AA. e Administración local.

A14: adscrición indistinta a funcionarios da Xunta de Galicia, Estado e CC.AA. e forzas e corpos de seguridade do Estado.

CONSELLERÍA DE TRABALLO E BENESTAR

Resolución do 17 de decembro de 2009, da Dirección Xeral de Formación e Colocación, pola que se convocan probas de avaliación en competencias clave para acceder aos cursos dos certificados de profesionalidade de nivel 2 e 3 de cualificación dentro das accións formativas de formación profesional para o emprego na Comunidade Autónoma de Galicia.

O Real decreto 34/2008, do 18 de xaneiro, polo que se regulan os novos certificados de profesionalidade asociados ao Catálogo Nacional de Cualificacións Profesionais, establece no artigo 5.5º c) que en todos e cada un dos módulos formativos que conformen os novos certificados de profesionalidade de nivel 2 e 3 se determinarán os criterios de acceso dos alumnos, que asegurarán que estes contan coas competencias clave suficientes para cursar con aproveitamento a formación.

Estas competencias clave pódense demostrar ou acreditar:

1. Estando en posesión de determinadas titulacións ou acreditacións oficiais de formación básica.

2. Superando as probas específicas que demostren o seu dominio.

3. Realizando a formación específica para a súa adquisición dentro do ámbito da formación profesional para o emprego.

Para regular o procedemento de probas na Comunidade Autónoma de Galicia aprobouse a Orde do

26 de novembro que regula as probas de avaliación en competencias clave para acceder aos cursos dos novos certificados de profesionalidade de nivel 2 e 3 de cualificación dentro das accións formativas de formación profesional para o emprego, que establece no artigo 6 que a Dirección Xeral de Formación e Colocación a través do Instituto Galego das Cualificacións realizará polo menos unha convocatoria anual de probas.

Artigo 1º.-*Obxecto.*

O obxecto desta resolución é a convocatoria para o ano 2010 das probas de avaliación en competencias clave para o acceso aos cursos dos novos certificados de profesionalidade de nivel 2 e 3 de cualificación profesional da formación profesional para o emprego no ámbito da Comunidade Autónoma de Galicia.

Artigo 2º.-*Finalidade e efectos das probas de avaliación en competencias clave.*

1. As probas de avaliación en competencias clave teñen como finalidade que as persoas que non cumpren os requisitos de acceso directo aos certificados de profesionalidade, poidan demostrar que posúen os coñecementos e as capacidades básicos que se requiren para cursar con aproveitamento estes certificados.

2. A superación destas probas de avaliación permitirá acceder á formación en todos os módulos formativos que requiran esas competencias clave como criterio de acceso.

Artigo 3º.-*Competencias clave que se convocan para o ano 2010.*

1. Convócanse probas nos dous niveis, 2 e 3, nas seguintes competencias clave:

- Comunicación en lingua galega.
- Comunicación en lingua castelá.
- Comunicación en linguas estranxeiras (inglés).
- Competencia matemática.
- Competencias en ciencia.
- Competencia en tecnoloxía.
- Competencia dixital.
- Competencias sociais (xeografía).
- Competencias sociais (historia).

2. As persoas poderán inscribirse en cantas competencias clave estean interesadas, sempre que reúnan os requisitos do artigo 4º desta resolución.

3. Os contidos de cada competencia clave, para cada nivel de cualificación, así como exemplos de probas pódense encontrar na páxina web da Consellería de Traballo e Benestar, <http://traballoebenefitar.xunta.es/>.

Artigo 4º.-*Requisitos das persoas aspirantes.*

De conformidade co disposto no artigo 4 da Orde do 26 de novembro, pola que se regulan as probas de

avaliación en competencias clave, poderán acceder a estas probas:

a) Maiores de dezaseis anos, que desexen cursar un certificado de profesionalidade de nivel 2 ou 3 de cualificación.

b) Non estar en posesión de titulacións ou certificacións oficiais de formación básica, que se indican no anexo 1.

c) Non estar a cursar unha acción formativa, aprobada pola Dirección Xeral de Formación e Colocación, conducente á obtención da mesma competencia clave para a que se convoca a correspondente proba de avaliación na data de finalización do prazo de presentación da solicitude de inscrición.

Artigo 5º.-*Solicitude para participar nas probas de avaliación en competencias clave.*

1. A participación nestas probas deberá formalizarse presentando solicitude dirixida ao Instituto Galego das Cualificacións.

A devandita solicitude presentárase xuntando o modelo que figura no anexo 2 (de acordo co recollido no artigo 8 da Orde do 26 de novembro de 2009) e o modelo complementario recollido no anexo 2.1 que figuran nesta resolución.

2. A solicitude poderá presentarse a partir do día seguinte ao da publicación desta resolución no DOG ata o 29 de xaneiro de 2010, no rexistro da Consellería de Traballo e Benestar, así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

3. Cada aspirante presentará unha única solicitude de inscrición en que indicará a/s competencia/s clave en que queira inscribirse.

4. Os candidatos cun grao de discapacidade igual ou superior ao 33% deberán indicalo expresamente na solicitude, especificando claramente o tanto por cento de discapacidade recoñecido polo órgano competente, e poderán solicitar as posibles adaptacións de tempo e/ou medios para a realización das probas.

Artigo 6º.-*Documentación.*

As persoas aspirantes deberán xuntar á súa solicitude de inscrición:

a) Fotocopia do documento nacional de identidade, ou número de identificación de estranxeiro ou do pasaporte. A presentación da fotocopia do DNI ou NIE non será precisa se o solicitante dá o seu consentimento para que se consulten os datos relativos aos citados documentos, de conformidade co previsto na Orde do 7 de xullo de 2009, pola que se desenvolve o Decreto 255/2008, polo que se simplifica a documentación para a tramitación dos procedementos administrativos e se fomenta a utilización de medios electrónicos, no que respecta á verificación de datos de identidade e residencia.

b) Certificado acreditativo de discapacidade en vigor, para as persoas aspirantes con algunha discapacidade que soliciten algún tipo de adaptación posible de tempo e medios para a realización da proba. Non será necesario presentalo no suposto de discapacidades recoñecidas polo órgano competente desta comunidade autónoma.

Artigo 7º.-Relación provisional e definitiva de persoas inscritas admitidas e excluídas.

1. A relación provisional das persoas inscritas nas probas que fosen admitidas e, se é o caso, as excluídas, con indicación das causas de exclusión, será publicada polo Instituto Galego das Cualificacións, no taboleiro de anuncios do centro onde se vai realizar a proba e na páxina web <http://traballoebenestar.xunta.es/>, segundo se indica no calendario da convocatoria que figura no anexo 3.

2. De conformidade co disposto no artigo 13.2º da Orde do 26 de novembro de 2009 pola que se regulan as probas de avaliación en competencias clave, as persoas inscritas poderán formular contra esta relación provisional de admitidos e excluídos as oportunas alegacións, que se dirixirán ao Instituto Galego das Cualificacións no prazo de 3 días hábiles.

3. A relación definitiva de persoas solicitantes admitidas e excluídas será publicada nos mesmos lugares indicados no punto 1, segundo se indica no calendario da convocatoria que figura no anexo 3.

4. Coa publicación da relación definitiva de aspirantes que van participar nas probas de avaliación en competencias clave publicarase tamén o centro en que cada aspirante deberá realizar as probas.

Artigo 8º.-Realización das probas de avaliación en competencias clave.

1. As probas de avaliación en competencias clave celebraranse nas datas indicadas no calendario da convocatoria que se inclúe no anexo 3, que deberá ser exposto no taboleiro de anuncios dos centros en que se realicen as probas e na páxina web <http://traballoebenestar.xunta.es/>.

2. As persoas aspirantes deberán ir provistas do documento nacional de identidade, do número de identificación de estranxeiros ou do pasaporte e de materiais de escritura.

3. O candidato realizará unha proba por cada unha das competencias clave convocadas en que se inscribise. A duración da proba en cada competencia clave é dunha hora. A realización de cada unha das probas de avaliación seguirá a orde e o horario que se indica no anexo 3 desta resolución.

Artigo 9º.-Comisións de avaliación.

1. O/a director/a xeral de Formación e Colocación, por proposta do/a director/a do Instituto Galego das Cualificacións, nomeará as comisións de avaliación que se requiran para a aplicación, avaliación e cualificación das probas de avaliación, cuxo número e sedes son os que figuran no anexo 4.

2. De acordo co previsto no artigo 7.3º da Orde do 26 de novembro de 2009 pola que se regulan as probas de avaliación en competencias clave, á vista do número de persoas aspirantes, poderanse ampliar os centros en que se levarán a cabo as probas, así como o número de comisións de avaliación. Así mesmo poderanse incorporar ás comisións de avaliación o número de vixiantes e correctores que se considere preciso. Tamén poderán agruparse nun determinado centro aspirantes que soliciten a realización das probas en centros distintos cando o número de inscricións así o aconselle.

3. De conformidade co disposto no artigo 10.5º da Orde do 26 de novembro de 2009 pola que se regulan as probas de avaliación en competencias clave, no caso de nomear correctores/as, estes formarán parte das comisións de avaliación para a realización das probas.

Artigo 10º.-Calificación das probas.

1. Cada unha das competencias clave a que se presente cada aspirante cualificarase en termos de apto/non apto.

2. Para a determinación da cualificación final dos candidatos, as comisións de avaliación realizarán unha sesión de avaliación, que se tera lugar no prazo máximo de 15 días naturais desde a realización da avaliación polos aspirantes.

3. A Comisión de Avaliación elaborará a acta da sesión de avaliación e cubrirá a acta de cualificación, en que reflectirá a cualificación obtida polas persoas aspirantes en cada unha das competencias clave en que efectuase a súa inscrición. A acta da sesión de avaliación e a acta de cualificación deberán ser asinadas por todas as persoas que integren a Comisión de Avaliación.

4. Os resultados das probas de avaliación estarán accesibles para cada candidato de forma confidencial, desde a páxina web da Consellería de Traballo e Benestar, a partir do día seguinte da realización da sesión de avaliación.

Artigo 11º.-Reclamación contra as cualificacións.

1. Contra a cualificación obtida poderá presentarse reclamación dirixida ao presidente ou presidenta da comisión, no prazo de 3 días hábiles contados a partir do día seguinte ao da publicación das cualificacións, no rexistro da Consellería de Traballo e Benestar, así como por calquera das formas establecidas polo artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. A Comisión de Avaliación resolverá todas as reclamacións presentadas, para o cal se reunirá en sesión extraordinaria da cal redactará unha acta que deberá ser asinada pola totalidade de integrantes da comisión, e comunicaraas aos interesados.

3. De conformidade co disposto no artigo 114 da Lei 30/1992, do 26 de novembro, de réxime xurídico das administracións públicas e do procedemento administrativo común, contra a resolución da recla-

mación poderase interpoñer recurso de alzada no prazo dun mes ante o/a director/a xeral de Formación e Colocación. A resolución do recurso de alzada porá fin á vía administrativa.

Artigo 12º.-Acreditación da proba de avaliación.

1. O/a director/a xeral de Formación e Colocación da Consellería de Traballo e Benestar expedirá ás persoas que realizasen as probas de avaliación en competencias clave a correspondente acreditación, de acordo co modelo que figura no anexo 3 da Orde do 26 de novembro de 2009 pola que se regulan as probas de avaliación en competencias clave para acceder aos cursos dos certificados de profesionalidade de nivel 2 e 3 de cualificación dentro das accións formativas de formación profesional para o emprego na Comunidade Autónoma de Galicia.

2. A acreditación dará acceso a calquera curso de certificado de profesionalidade que inclúa esas competencias clave como criterios de acceso aos módulos, nas condicións de admisión que se determinen.

3. Os interesados poderán recoller esta acreditación no centro onde realizaron as probas.

Disposición adicional

Única.-Información e orientación sobre as probas de competencias clave.

Todos os interesados poderán obter información e orientación sobre as probas en competencias clave nos seguintes puntos de información:

-O Instituto Galego de Cualificacións.

-A Dirección Xeral de Formación e Colocación.

-Os departamentos territoriais da Consellería de Traballo e Benestar.

-As oficinas do Servizo Público de Emprego de Galicia.

-Os centros propios da Consellería de Traballo e Benestar.

Así mesmo, na páxina web da Consellería de Traballo e Benestar poderán encontrar información permanentemente actualizada sobre as probas en competencias clave.

Disposicións derradeiras

Primeira.-Autorízase a persoa titular da Dirección Xeral de Formación e Colocación para ditar as resolucións e instrucións necesarias para o desenvolvemento e a execución desta orde.

Segunda.-Esta resolución entrará en vigor o día seguinte ao da súa publicación no *Diario Oficial de Galicia*.

Santiago de Compostela, 17 de decembro de 2009.

Ana Mª Díaz López

Directora xeral de Formación e Colocación

ANEXO I

Titulacións ou certificacións oficiais de formación básica, que están exentas de realización de probas de avaliación en competencias clave

Certificados de nivel 2. *Ter un certificado de profesionalidade de nivel 1 da mesma familia e área profesional. *Ter un certificado de profesionalidade de nivel 2. *Cumprir os requisitos de acceso aos ciclos formativos de grao medio. -Título de ESO. -Técnico auxiliar (FP1). -Técnico (FP grao medio). -Ter superado o segundo curso de BUP. -Ter superado o segundo curso do primeiro ciclo experimental da reforma das ensinanzas medias. -Ter superado, das ensinanzas de artes aplicadas e oficios artísticos, o terceiro curso do plan de 1963, o segundo de comúns experimental. -Ter superados outros estudos declarados equivalentes para efectos académicos con algún dos anteriores. -Ter superado as correspondentes probas de acceso aos ciclos formativos de grao medio. -Ter superada a proba de acceso á universidade para maiores de 25 anos.	Certificados de nivel 3. *Ter un certificado de profesionalidade de nivel 2 da mesma familia e área profesional. *Ter un certificado de profesionalidade de nivel 3. *Cumprir os requisitos de acceso aos ciclos formativos de grao superior. -Título de bacharel. -Título de técnico especialista (FP2), técnico superior (FP grao superior) ou equivalente para efectos académicos. -Titulación universitaria ou equivalente. -Ter superado o segundo curso de calquera modalidade de bacharelato experimental. -Ter superadas as correspondentes probas de acceso aos ciclos formativos de grao superior. -Ter superada a proba de acceso á universidade para maiores de 25 anos.
Comunicación en lingua galega nivel 2: *Certificado de lingua galega 3 (Celga 3) ou as correspondentes validacións (Orde do 16 de xullo de 2007): -Certificado de aptitude dos cursos de iniciación de lingua galega (segundo Orde do 1 de abril de 2005). -O título de graduado en educación secundaria obrigatoria (ESO) ou técnico auxiliar (FP1), sempre que se estudase en Galicia na súa totalidade e se cursase de maneira oficial a materia de lingua galega en todos os cursos dos ditos estudos. -O certificado do ciclo inicial de galego expedido polas escolas oficiais de idiomas. -Certificado de ter cursado e aprobado as materias de ciencias sociais e as materias optativas de galego na ESO e no bacharelato nos centros do Bierzo e Sanabria acollidos ao programa de formación previsto no convenio para a promoción do idioma galego nos territorios limítrofes das comunidades autónomas de Galicia e Castela e León, subscrito entre ambas as dúas comunidades.	Comunicación en lingua galega nivel 3: *Certificado de lingua galega 4 (Celga 4) ou as correspondentes validacións (Orde do 16 de xullo de 2007): -Certificado de aptitude dos cursos de perfeccionamento de lingua galega (segundo Orde do 1 de abril de 2005). -O título de bacharelato (LOXSE ou BUP) ou técnico de FP2, sempre que se estudase en Galicia na súa totalidade e se cursase de maneira oficial a materia de lingua galega en todos os cursos dos ditos estudos. -Certificación do curso de especialización en lingua galega para profesores.

ANEXO 2

Modelo de solicitude de inscrición en probas de competencias clave



XUNTA DE GALICIA
CONSELLERÍA DE TRABALLO
E BENESTAR
 Dirección Xeral de
 Formación e Colocación



FONDO
SOCIAL
EUROPEO

SOLICITUDE DE INSCRICIÓN EN PROBAS DE COMPETENCIAS CLAVE

Acceso á formación de certificado de profesionalidade

Datos persoais

Nome.....

1º Apelido.....2º Apelido.....

DNI/NIE

								Letra	
--	--	--	--	--	--	--	--	-------	--

Data de nacemento.....Idade..... Sexo: Home ☐ Muller ☐

Enderezo.....

Localidade.....CP.....

Teléfonos...../.....

Correo electrónico.....

Nivel educativo

Nivel máximo de estudos finalizados con titulación

Se agora está estudando indique que estudos realiza

Competencias clave das que solicita facer proba (marque cunha x o recadro ou recadros correspondentes):

NIVEL 2

Comunicación en lingua galega
 Comunicación en lingua castelá
 Comunicación en lingua estranxeira - inglés
 Competencia matemática
 Competencia en ciencia
 Competencia en tecnoloxía
 Competencia dixital
 Competencia social - xeografía
 Competencia social - historia

NIVEL 3

☐	Comunicación en lingua galega	☐
☐	Comunicación en lingua castelá	☐
☐	Comunicación en lingua estranxeira - inglés	☐
☐	Competencia matemática	☐
☐	Competencia en ciencia	☐
☐	Competencia en tecnoloxía	☐
☐	Competencia dixital	☐
☐	Competencia social - xeografía	☐
☐	Competencia social - historia	☐

Data de entrega da solicitude

Sinatura do/a solicitante

Observacións

Modelo complementario ao modelo de solicitude de inscrición en probas de competencias clave (anexo 2)

SI ☐ NON ☐

Discapacitado		Porcentaxe		,		%
Tipo de adaptación que solicita:						
Ampliación do tempo						
Ampliación da letra						
Instrucións por escrito						
Intérprete de signos						
Outra adaptación: (especificar no recadro)						
Certificado acreditativo de discapacidade	SI	NON				

LEXISLACIÓN APLICABLE Resolución do 17 de decembro de 2009, da Dirección Xeral de Formación e Colocación, pola que se convocan probas de avaliación en competencias clave para acceder aos cursos dos certificados de profesionalidade de nivel 2 e 3 de cualificación dentro das accións formativas de formación profesional para o emprego na Comunidade Autónoma de Galicia. NOTA: os datos persoais recollidos neste impreso poderán ser incluídos nun ficheiro para o seu tratamento pola Consellería de Traballo e Benestar da Xunta de Galicia (Orde do 12 de decembro do 2007, DOG n° 250), no uso das funcións propias que ten atribuídas no ámbito das súas competencias. Poderase dirixir a calquera órgano desta para exercer os dereitos de acceso, rectificación, cancelación e oposición, segundo o disposto na Lei orgánica 15/1999, do 13 de decembro, de protección de datos de carácter persoal (BOE do 14 de decembro). Fágome responsable da veracidade dos datos recollidos nesta solicitude SINATURA DO/DA SOLICITANTE OU PERSOA QUE O/A REPRESENTA _____, de _____ de 200	(Para cubrir pola Administración) RECIBIDO _____ REVISADO E CONFORME _____	NÚMERO DE EXPEDIENTE _____ DATA DE ENTRADA _____/_____/_____ DATA DE EFECTOS _____/_____/_____ DATA DE SAÍDA _____/_____/_____
---	---	--

ANEXO 3
Calendario das probas

	Prazos	Datas
Prazo de presentación de solicitudes		Ata o 29 de xaneiro
Lista provisional de admitidos		10 de febreiro
Presentación de alegacións	3 días hábiles desde a publicación da lista provisional	11 ao 13 de febreiro
Lista definitiva de admitidos Publicación do centro e horario das probas		24 de febreiro
Realización das probas Competencias clave de nivel 2 Competencias clave de nivel 3		26 e 27 de febreiro 5 e 6 de marzo
Resultados provisionais das probas	Máximo 15 días desde a realización das probas	15 de marzo
Presentación de reclamacións	3 días hábiles desde a publicación dos resultados	16 ao 18 de marzo
Resultados definitivos das probas		29 de marzo

Horario das probas

Todos os candidatos deberán presentarse media hora antes do inicio das probas en cada competencia clave para seren chamados por orde alfabética

Competencia clave	Día		Hora
	Nivel 2 Días 26 e 27 de febreiro	Nivel 3 Días 5 e 6 de marzo	
Lingua galega	Venres tarde		Das 17.00 ás 18.00
Lingua castelá	Venres tarde		Das 18.15 ás 19.15
Lingua estranxeira	Venres tarde		Das 19.30 ás 20.30
Matemática	Sábado mañá		Das 9.00 ás 10.00
Ciencia	Sábado mañá		Das 10.15 ás 11.15
Tecnoloxía	Sábado mañá		Das 11.30 ás 12.30
Dixital	Sábado mañá		Das 12.45 ás 13.45
Sociais (xeografía)	Sábado tarde		Das 17.00 ás 18.00
Sociais (historia)	Sábado tarde		Das 18.15 ás 19.15

ANEXO 4
Comisións de avaliación

Comisións de avaliación	Sedes
Comisión de Avaliación A Coruña	Centro Nacional de Formación Profesional Ocupacional de Santiago de Compostela
Comisión de Avaliación Lugo	Centro de Formación Profesional Ocupacional de Lugo
Comisión de Avaliación Ourense	Centro de Formación Profesional Ocupacional Sta. María de Europa de Ourense
Comisión de Avaliación Pontevedra	Centro de Formación Profesional Ocupacional de Vigo

CONSELLERÍA DO MEDIO RURAL

Orde do 23 de decembro de 2009 pola que se aproba o Regulamento da indicación xeográfica protexida Grelos de Galicia e do seu Consello Regulador, e se nomea o Consello Regulador provisional.

Cos estudos e documentación técnica e histórica pertinentes, o expediente de solicitude de inscrición no Rexistro Comunitario das Denominacións de Orixe Protexidas e das Indicacións Xeográficas Protexidas correspondente á indicación xeográfica protexi-

da Grelos de Galicia foi remitido aos servizos da Comisión Europea. Logo da oportuna tramitación, mediante o Regulamento (CE) nº 1029/2009, da Comisión, do 29 de outubro, publicado no DOUE nº L 283, do 30 de outubro, produciuse a inscrición definitiva desta indicación xeográfica protexida.

Pola súa parte, o Decreto 4/2007, do 18 de xaneiro, polo que se regulan as denominacións xeográficas de calidade do sector alimentario e os seus consellos reguladores, establece no seu artigo 4 que, unha vez remitido o expediente á Comisión Europea,